



Broj: 01-14-6274-7/16
Sarajevo, 22.02.2017.

Na osnovu člana. 70. i 89. Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08,-Precišćeni tekst), gradonačelnik Grada Sarajeva, donosi

ODLUKU

o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača „V.I.P. travels“ d.o.o. ul. Zelenih beretki bb 71000 Sarajevo, broj ponude:3130-12/2016 od 19.12.2016. godine, za pružanje usluga nabavka avio karata za potrebe službenih putovanja u organizaciji Gradske uprave Grada Sarajeva, u postupku provođenja javne nabavke putem Konkurentskog zahtjeva.

II

Sa ponuđačem „V.I.P. travels“ d.o.o. Sarajevo, zaključit će se Ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01-14-6274/16 od 21.11.2016. godine, pokrenut je postupak javne nabavke „ Nabavka avio karata za potrebe službenih putovanja u organizaciji Gradske uprave Grada Sarajeva“, putem Konkurentskog zahtjeva.Obavještenje o nabavci objavljeno je na portalu Agencije za javne nabavke broj: 1278-7-2-156-3-30/16 dana 06.12.2016. godine.

Otvaranje ponuda obavljeno je 19.12.2016. godine.

Komisija za javnu nabavku, imenovana Rješenjem Gradonačelnika broj: 01-14-6274-1/16 od 21.11.2016. godine, sačinila je Zapisnik o pregledu i ocjeni ponuda od 23.12.2016. godine, u kojem je navedeno da je u određenom roku za dostavljanje ponuda na protokol ugovornog organa zaprimljeno 7 (sedam) ponuda i to:

-Centrotrans eurolines d.d., Mia tours d.o.o., Gaudi d.o.o., Mrkulić company d.o.o., V.I.P. travels d.o.o., Kompas Sarajevo d.o.o. i Relax tours d.o.o.

Nakon otvaranja ponuda izvršena je detaljna analiza prispjelih ponuda, gdje je utvrđeno da su sve dostavljene ponude prihvatljive za ugovorni organ.

Komisija je utvrdila cijene prihvatljivih ponuda za agencijsku naknadu u skladu sa okvirnim količinama koje su navedene u Obrascu za cijenu ponude, u ukupnom iznosu sa PDV-om kako slijedi:

- 1. V.I.P. travels25,00 KM**
- 2. Relax tours50,00 KM**
- 3. Kompas Sarajevo.....240,01 KM**
- 4. Centrotrans-eurolines.....750,00 KM**
- 5. Mrkulić company.....875,00 KM**
- 6. Gaudi1.170,00 KM**
- 7. Mia tours.....2.052,00 KM**

U skladu sa članom 17. stav (7) alineja a. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) kojim je propisano da ugovorni organ obavezno od ponuđača traži objašnjenje cijene ponude koju smatra neprirodno niskom u slučaju kada je cijena najniže ponude za više od 50% niža od prosječne cijene preostalih prihvatljivih ponuda, te imajući u vidu činjenicu da ponuđena cijena ponuđača V.I.P. travels d.o.o. iznosi **25,00 KM sa PDV-om** i da je za više od 50% niža od prosječne cijene preostalih prihvatljivih ponuda, ugovorni organ je uputio poziv broj: 03-14-6274-4/16 od 20.12.2016. godine, ponuđaču V.I.P. travels d.o.o. za pojašnjenje/objašnjenje neprirodno niske ponuđene cijene u odnosu na dostavljene cijene ostalih prihvatljivih ponuda.

Ponuđač V.I.P. travels d.o.o. Sarajevo je dostavio pojašnjenje ponuđene cijene, dana 21.12.2016. godine, u kojem navodi da za klijente imaju stabilne firme sa kojima posluju dugi niz godina, da na taj način imaju stalni i kontinuiran izvor prihoda od prodaje avio karata, zatim da imaju potpisane ugovore sa mnogim institucijama i korporacijama, da rade ljetne i zimske aranžmane i konstantnu prodaju aranžmana, te samim tim ostvaruju zaradu.

Također, navode da su dali ukupnu cijenu usluge u iznosu od 21,37 KM bez PDV-a, odnosno 25,00 KM sa PDV-om, iz razloga da dobiju novog klijenta te da kroz ugovoreni period dokažu svoju stručnost i profesionalnost.

Na osnovu kriterija najniža cijena tehnički zadovoljavajuće ponude, Komisija za javnu nabavku daje preporuku gradonačelniku da se ugovor za nabavku avio karata za potrebe službenih putovanja u Gradskoj upravi Grada Sarajeva, dodjeli ponuđaču V.I.P. travels d.o.o. Sarajevo, koji je dostavio najnižu cijenu u iznosu od **25,00 KM sa PDV-om**.

Gradonačelnik Grada Sarajeva je na osnovu preporuke Komisije, donio Odluku o izboru najpovoljnijeg ponuđača broj: 01-14-6274-5/16 od 26.12.2016. godine.

Na odluku o izboru najpovoljnijeg ponuđača putem Konkurentskog zahtjeva 01-14-6274-5/16 od 26.12.2016. godine, u zakonom predviđenom roku žalbu je izjavio ponuđač Centrotrans-eurolines.

Shodno odredbama člana 100. Zakona o javnim nabavkama BiH, Žalba je dostavljena Uredu za razmatranje žalbi BiH na daljnje postupanje.

Rješavajući po žalbi ponuđača Centrotrans-eurolines d.d., Ured za razmatranje žalbi BiH donio je Rješenje broj: JN2-03-07-1-25-12/17 od 31.01.2017. godine, kojim se usvaja Žalba kao djelimično osnovana.

Navedenim Rješenjem Ured za razmatranje žalbi BiH, poništio je Odluku o izboru najpovoljnijeg ponuđača putem Konkurentskog zahtjeva broj: 01-14-6274-5/16 od 26.12.2016. godine i predmet vratio ugovornom organu na ponovni postupak počevši sa radnjom ponovnog pregleda i ocjene ponuda.

Postupajući po uputama Ureda za razmatranje žalbi BiH, ugovorni organ je ponuđaču V.I.P. travels d.o.o. Sarajevo, uputio ponovni poziv broj: 01-14-6274-6/16 od 14.02.2017. godine, za dostavljanjem pojašnjenja neprirodno niske ponuđene cijene u skladu sa članom 66. stav (2) Zakona o javnim nabavkama BiH.

Ponuđač V.I.P. travels d.o.o. Sarajevo, dostavio je dana 20.02.2017. godine pojašnjenje neprirodno niske ponuđene cijene u kojem navode slijedeće:

Da su u okviru predmetne nabavke tražene usluge za nabavku avio karata, formirali cijenu koja se bazira na usluzi nabavke i cjelokupnih troškova firme te prihoda koje firma ostvaruje od pružanja usluga iz oblasti turizma.

Da se njihova cijena bazira na dobrom planu prodaje usluga, niskim troškovima poslovanja, bez uticaja na kvalitet pružanja usluga sa tri uposlena radnika, koji su vrlo efikasni, školovani i obučeni da tokom cijelog radnog vremena a po potrebi i izvan okvira radnog vremena pružaju usluge klijentima iz oblasti turizma, prodaje avio karata za sve destinacije u svijetu i prodaju aranžmana tokom cijele godine.

Također, navode da su prije ponude o visini agencijske naknade za izdavanje avio karata za potrebe Gradske uprave Grada Sarajeva, napravili kalkulaciju i ustanovili da sobzirom da od prodaje avio karata ostvaruju ukupan prihod od cca 30%, a sav ostali prihod od ostalih usluga, usluga koje prižaju iz oblasti turizma, u mogućnosti su da mogu ponuditi cijenu od 25,00 KM sa PDV-om, te da to neće uticati na njihovo pozitivno poslovanje i pozitivan finansijski bilans.

Dalje navode da agencija V.I.P. travels d.o.o. Sarajevo, ima potpisan ugovor sa ovlaštenim distributerom IATI sistema za rezervaciju avio karata obzirom da im IATI sistem za rezervaciju i prodaju avio karata omogućava da pored AMADEUS sistema paralelno koriste i druge rezervacijske sisteme kao što su WORLDSPAN, GALILEO, SABRE i dr.

Ponuđenu cijenu opravdavaju upravo kroz dodatne beneficije i provizije koje su im odobrene kroz IATI sistem. Potpisani ugovori sa određenim aviokompanijama im omogućavaju da sklapaju „Corporate ugovore“ za određene klijente i određene destinacije i na taj način imaju dodatne beneficije. Uz pojašnjenje ponude dostavili su i kopiju potpisanog ugovora o korištenju IATI sistema, kojim opravdaju cijenu posredničke usluge.

Također, navode da agencija za klijente ima stabilne firme sa kojima posluju već dugi niz godina, te da sa tim firmama i institucijama imaju unaprijed dogovoreni iznos i potpisane ugovore te da na taj način imaju stalni i kontinuiran izvor prihoda što uveliko utiče na njihovo pozitivno poslovanje i daje im mogućnost da mogu ponuditi cijenu koju su ponudili.

Nakon dostavljenog pojašnjenja neprirodno niske ponuđene cijene od strane ponuđača V.I.P. travels d.o.o. Sarajevo, Komisija za javne nabavke je postupajući po uputama Ureda za razmatranje žalbi BiH izvršila ponovni pregled i ocjenu ponuda, te utvrdila da je ponuđač V.I.P. travels d.o.o. Sarajevo u dostavljenom pojašnjenju dostavio detaljne informacije o relevantnim sastavnim elementima ponude uključujući i cijenu, odnosno razloge ponuđene cijene.

Komisija za javnu nabavku sačinila je zapisnik o pregledu i ocjeni ponuda od 21.02.2017. godine, te daje preporuku gradonačelniku da se ugovor za nabavku avio karata za potrebe službenih putovanja u Gradskoj upravi Grada Sarajeva, dodjeli ponuđaču V.I.P. travels d.o.o. Sarajevo, koji je dostavio najnižu cijenu u iznosu od **25,00 KM sa PDV-om**. Procijenjena vrijednost nabavke za ugovoreni period iznosi 20.000,00 KM bez PDV-a.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnik Grada Sarajeva je donio ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od pet (5) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

GRADONAČELNIK

Abdulah Skaka

DOSTAVITI:

- Ponuđačima
- a/a